

尚書大義

尚書大

義



壬戌九月
刊於都門

尙書大義序

聖人之不作久矣舉世紛紛盡苦於亂譬之居城市者久與塵垢相接覽錢塘渤澥之圖翠然有江海之思焉尙書乃聖賢之江海也而圖之者誰歟今夫渤澥之壯錢塘之奇大地鮮其倫然而漁父舟師終歲遊其間畢生棲其側於風物之美煙霞之勝毫末無會於心也及至顧愷之王維之徒遇之森然魄動宵然神往放筆寫圖以示世人於是錢塘渤澥之鉅觀雖遠在萬里之外而一時具現於吾目前今吾師北江先生所撰尙書大義其發揮古先聖賢之意態懷抱何異顧王之圖江海乎尙書爲吾國最古典籍自唐虞以至於周末舉凡政藝學術道德之升降聖王賢相哲人桀士之訐謏遠猶胥著於篇而後世學問之士致力於此者不可勝數也顧經義閎深簡牘錯亂訓詁家率難窮其奧今先生仰承家

學參以心得以顯豁之筆抉書中祕旨公之於世使學者讀之幾忘其爲往古最難讀之籍而恍然與堯舜禹湯文武周公周旋於文字間也烏乎非神於文而心通古人立言之意者惡能若是夫吾人所貴于學者以其當繼古而開今也當代豪傑苟能沈潛此書以深求前世聖賢修身治國之道而奮起以挽今日衰季之局其尤爲先生辛苦著書之本指哉葆光夙受此經惠其泯而無傳也乃與張君慶開雷君光顯集議梓而行之且承先生命敘述其大要云民國十一年八月門下士南宮李葆光謹序

例言四則

一六藝唯尙書最古凡中國政事文學道德綱紀無不導源於此欲考求中國舊學者不可不讀此書

一此書注釋一本尙書故務期簡捷易解至於訓詁之源流徵引之浩博備載原書茲編概不之及學者可尋繹而自得之

一此書用講義體隨文敷演不加緣飾雖體涉猥近而施之青衿學子厭倦高文之今日庶不至有所扞格云

一此書本備家塾誦習而朋游觀者多以爲善前總統徐公首采入四存月刊冀縣張君慶開心泉遂約其戚雷君光顯紹文出資刊行至督工讎校則南宮李君葆光子健之力爲多例得並書

民國十一年秋七月

閻生記

尙書大義卷一

桐城 吳闈生 述

尙書崇奧難讀傳注罕通其指先大夫生平研窮此經纂著尙書故於古今眾說無所不採無所不掃然後前聖義指乃以大明今依據先說闡發大義以便學者庶二帝三王治之精意不至終晦云爾

堯典 虞夏書

闔生案敘堯事專以讓舜爲主敘舜事專以用人爲主堯舜之事多矣得此綜貫然後有條不紊而筆力乃能騫舉孔子曰大哉堯之爲君也唯天爲大唯堯則之蕩蕩乎民無能名焉君哉舜也巍巍乎有天下而不與焉又曰夫何爲哉恭己正南面而已矣孔子於堯則贊其大於舜則贊其不與贊其無爲其大也

以其能讓舜也不與也無爲也以其能用人也孔子之論堯舜與尙書同指矣又案尙書二十八篇多記言之文記事之文較少此篇取兩代百餘年之治蹟綜述無遺氣體復極駿邁誠千古以來唯一無二之大文也

曰若稽古帝堯

言若發語詞稽當也

曰放勳

放勳堯名

欽明文思安安

威儀悉備

曰欽照臨四方曰明經緯天地曰文道德純備

曰思思通作塞塞者實也

允恭克讓

光與橫通皆充也

格于上下

極于天地

能讓而

闡生案此節渾括堯之全體尤以讓字爲主讓者指下文禪舜

之事而言乃一篇柱意之所在也上下者蓋謂人神也又案

先公更易舊詰皆具有精心如稽古之稽舊皆訓爲考今據褚

少孫說易爲當者蓋夏史紀述堯舜之事相去未遠非若異世

傳疑有待稽考且當古猶言在昔卽書序之云昔在帝堯也若

云考古帝堯則不詞矣論者亦知考古之不安至謂此四字爲周史及孔子所追加尤不合情理之甚者

克明俊德

後大也

以親九族九族既睦

既盡也

平章百姓百姓昭明

平章

即辨章辨章備明也百姓百官也

協和萬邦黎民於變時雍

變即弁字於弁於樂也時雍調和也

闔生案此節申言堯之德化

乃命羲和

立羲和之官

欽若昊天

敬順昊天

曆象日月星辰

曆算也象法效之也

敬授

民時

民依史記校改

闔生案此格于上下之事下文分宅四方乃光被四表之事也

分命羲仲

分別也仲叔者官之副猶孟侯之孟非昆季

宅嵎夷

宅度也

曰暘谷

淮南子云日出暘谷

寅賓出日

寅敬也賓導也

平秩東作

平徧也秩品量之也

日中星鳥

日中春分星鳥中春分星

以

殷仲春

殷正也舉仲月以統一時

厥民析

析疏理也

鳥獸孳尾

孳乳也尾交接也

申命羲叔

申重也

宅南交

南交交趾

平秩南僞

今作訛依鄭本校僞即爲也

敬致

致者冬夏致日謂立表觀景也

日永星火日永夏至星火大火以正仲夏厥民因因繼長增高之義又鳥獸

希革希革即希毛也分命和仲宅西曰昧谷昧當為柳鄭誤為昧大傳秋祀柳穀即此寅饌內

日內入也秋分之暮方入之日識其景平秩西成作為成易皆言政令不專農事宵中星虛宵中秋分星虛

玄武虛宿以殷仲秋厥民夷夷平也謂秋氣平鳥獸毛毳毛更生整理申命和叔

宅朔方曰幽都平在朔易在察也易始也終則又始也日短星昴日短冬至至昴白虎中宿

以正仲冬厥民隩隩宛也熱在中也即密理鳥獸氄毛氄溫柔貌帝曰咨汝羲暨和

此於敘事中記其命辭尚書多此例曆三百有六旬有六日有又以閏月定四時成

歲堯言止此下二句夏史之言允釐百工信飭百官庶績咸熙眾功皆興

闡生案記堯之功績止羲和一事以下則專詳其禪舜矣此古

史之所以峻也期三百六旬以閏月定四時蓋堯時始制定故

以特筆著之此一大事也允釐百工二句槩括作收

帝曰疇咨若時登庸疇誰也咨語詞若順也登庸者成事也放齊曰胤子朱啟明

胤子嗣子朱丹帝曰吁謬訟可乎胤訟頑

闔生案帝求人禪位故放齊先以胤子爲對而帝知其頑凶不

用也此下各節皆爲禪舜張本

帝曰疇咨若予采采事也史記堯又曰誰可者驩兜曰都歎美共工方鳩僝功

旁求大功帝曰吁靜言庸違靜善也善言其用僻象恭滔天似恭漫天

闔生案堯知四凶之姦而不能去此寫其知人之明也其不能

去所以有待於舜也

帝曰咨四岳四岳一人而總四岳諸侯之事者湯湯洪水方割割害蕩蕩懷山襄

陵懷包也襄上也浩浩滔天下民其咨咨憂有能俾乂俾使也兪曰於鯀

哉帝曰吁咈哉方命圯族方負也圯毀也岳曰異哉異歎試可乃已試用

而帝曰往欽哉九載績用弗成績用連文績用功用也

闔生案鯀治水不成亦所以起下文之用舜也

帝曰咨四岳朕在位七十載汝能庸命異朕位庸用也岳曰否德

忝帝位否鄙也曰明明揚側陋令舉顯位及疏遠隱匿者師錫帝曰師眾也有鰥

在下曰虞舜在下謂民間帝曰俞然也予聞此間有如何問其詳岳曰瞽子父

頑母嚚象傲克諧以孝能和以孝烝烝乂烝烝進也不格姦格至也帝曰

我其試哉女子時史記於是觀厥刑于二女刑法也釐降二女于媯

汭釐降飭下也嬪于虞二女在虞如婦禮帝曰欽哉欽善之也

闔生案舜始起事納於堯語中更不別敘開後世合傳文法此

下卽遞入舜事而納堯崩於舜事中不惟文法應爾二帝事功

本相爲起訖也據此堯典以外固不應更有舜典矣

慎徽五典徽和也典常也史記使舜慎和五典五典克從從無違也納于百揆百揆百官

百揆百官時敘時敘承賓于四門賓古文四門穆穆諸侯遠方納于

大麓烈風雷雨弗迷入山林川澤

舜行不迷

闔生案敘舜初起政績為禪位張本

帝曰格汝舜

格來也

詢事考言乃底可績三載

依北堂書鈔校底至也績行也史記汝謀

事至而言可

汝陟帝位舜讓

句

于德弗嗣德猶志也嗣本作台于德弗嗣于意不悅也

闔生案歷試三載於堯語中見之以取簡勁又結前文

正月上日

上日月朔日

受終于文祖

文祖堯太祖也於是堯老命舜攝政

闔生案此提筆以起下文攝位時諸政與後月正元日格于文

祖對照

在璿璣玉衡

在祭也璿璣玉衡北斗七星旋璣斗魁四星玉衡拘橫三星也

以齊七政

七政天地星辰日月

鍾律肆類于上帝

肆遂也非時祭天曰類時舜告攝非常祭也

禋于六宗

六宗日月星辰岱河海

望于山川

望祭山川

徧于羣神

徧祭羣神

闔生案先敘事天祀神之事孟子所謂使之主祭而百神享之

是天與之也

輯五瑞

五瑞珪璧琮璜璋

既月乃日

擇吉月日

觀四岳羣牧

見四方諸牧

班瑞于羣

后

班還也王者信瑞事畢還之

歲二月東巡守至于岱宗柴

燔柴以祭

望秩于山川

以尊卑秩次祭之

肆覲東后

遂見東方君長

協時月正日同律度量衡修五禮五

玉

卽五瑞

三帛

公侯以玉爲贄三帛赤黑白繒所以薦玉

二生一死贄

孤卿以下執禽二生麕鹿一死雉也

如五器卒乃復

五器卽五玉

五月南巡守至于南岳如岱禮八月西巡

守至于西岳如初十有一月朔巡守至于北岳如西禮歸格于藝

祖

藝通也依史記白虎通當作祖禰

用特

用特牛禮

五載一巡守羣后四朝敷奏以言

敷徧也

明試以功

功事也

車服以庸

庸勞也謂勞以車服此倒句法

闔生案此節皆察吏之事所謂使之主事而事治百姓安之是

人與之也巡守所至必先祭祀則又兼事神治人二義

肇十有二州

肇兆同兆域也

封十有二山

以山爲識

濬川

闔生案此下將舜攝政之大事皆類記之域分一也制刑二也

四罪三也。所記舜之政績亦止此而已。又案濬川卽禹之治水也。禹治水在舜世亦舜之功也。

象以典刑

法用常刑

流宥五刑

流放也宥寬也卽五流也

鞭作官刑。扑作教刑。金作

贖刑

意善功惡使由金贖罪

眚災肆赦

肆過失也過失雖有眚災則赦之

怙終賊刑

怙其姦邪終爲

殘賊則刑之

欽哉欽哉惟刑之恤哉

恤慎也此於敘事中記其戒命之辭著慎刑也

闔生案此節恤刑

流共工于幽洲放驩兜于崇山竄三苗于三危殛鯀于羽山

幽洲在北

崇山在南三危在西羽山在東此非一時事史總記之

四罪而天下咸服

闔生案因制刑遂及四罪趁勢而下此下遂及堯崩更不別敘

一事但詳舜之分官命職而羣賢在朝天下已大定矣蓋舜與

專注後半二十二人之進用以前所敘皆屬包掃概括之筆也

四罪句重頓作收

二十有八載放勛乃殂落依孟子說文校百姓如喪考妣三載四海遏密

八音遏止也密默也

闕生案此節結束嘉典

月正元日月正正月元日朔日也舜格于文祖至文祖廟詢于四岳闕四門明四

目達四聰通四方耳目咨十有二牧曰食哉食為也勉之詞惟時柔遠能邇

惟時屬下讀時是也能安也惇德允元勉德進善而難任人難拒也任倭也蠻夷率服率自也

闕生案此舜之初政氣象一振二十二人雖皆舜所咨命然唯

九官為新所登用至十二州之牧則舜不得更易之也但加戒

儆而已四岳任尤隆重則首詢而不更申誠紀述自明

舜曰咨四岳言舜曰以別堯也有能奮庸熙帝之載奮庸成也熙美也載事也史記有能成美

堯之事者使宅百揆亮采惠疇宅百揆度百官也亮采相事也惠猶為也疇誰也兪曰伯禹作

司空帝曰兪咨禹汝平水土惟時懋哉惟是勉之禹拜稽首讓于稷契

暨臯陶帝曰俞汝往哉帝曰棄黎民阻飢阻始也汝后稷后當依列女傳作居

播時百穀時時也帝曰契百姓不親五品不遜遜順也汝作司徒敬敷

五教在寬五教五品之教帝曰臯陶蠻夷猾夏猾亂也寇賊姦宄汝作士五

刑有服服制也大刑用甲兵其次斧鉞中刑用刀鋸其次鑽笞薄刑用鞭朴五服三就就等也三等

五流有宅五宅三居宅度也大罪四裔次九州之外惟明克允允信也

闔生案九官禹稷契臯陶伯夷夔龍為重工虞為輕於命詞繁

簡見之

帝曰疇若予工誰順子工兪曰垂哉帝曰俞咨垂汝共工垂拜稽首讓

于殳斨暨伯與帝曰俞往哉汝諧諧偕同字帝曰疇若予上下

草木鳥獸兪曰益哉帝曰俞咨益汝作朕虞朕虞官名朕校也益

拜稽首讓于朱虎熊羆帝曰俞往哉汝諧猶校人校尉之校